

漫記闕里
堦戶錄
環語
編



漫

記

崔
銑
撰

中
華
書
局

紀錄彙編卷之一百九十二

漫記

崔銑

五月十日

上告事九廟

臣

銑當陪祀先以子刻入

候是日頭痛體倦又雨甚寒

上至廟門步入又

自太祖廟步至

睿宗寢

聖容恭肅而安雨不

張蓋

臣

懌然曰聖人也頃忘其疾祭歸康適矣易

曰與而不薦有孚顒若聖人以神道設教此之謂

也

七月十日入賀

皇子生陰霧蒙黯

臣

銑拜下而出

始覺蒸觸不堪易曰震驚百里不喪七鬯心方致

敬外物不干也

一日入朝百官俱青衣角帶小臣肩貴僚而行及
辭貌乃驚而遜若他日緋衣刺繡腰帶金玉品次
自章卑不抗尊易曰黃帝堯舜垂衣裳而天下治
釋者曰變化而無爲此之謂也夫讀聖經者不得
之躬行徒校諸紙上之言祇增煩贅銑入朝有寤
識之以見凡學莫不然也

客有譽張懋恭能立事者銑惑焉問張甬川常父常
父曰張壞者多而得者少壞者皆大體得者僅細
故也銑以爲然

成化中風俗儉朴先君爲司馬卽銑時十歲尚記先
君貫屋自深巷入轉東土垣小門內屋三間秣馬
又土垣小門入寢三間東三間爲客次寢之對有
垣及門小屋二間爨室也弘治中官頗治屋然西
涯閣老宅尹天官故第天官又名以賄敗者在陋
巷椽柱皆樸櫟小材但稍廣厰今破 召至京大
官自造華居襲石承椽連甍別院價至萬金者李
序菴第燕客酒半出玉笋相酬金銀不足珍噫奢
樂極矣其無患乎

詔還梁儉菴司徒徒人馬子相語曰今天開眼取回

梁命然則司馬入朝百姓留之宜也西長安有屋
一區價二百金予嫌其敝陋儉菴至卽居之但掃
地塗壁余愧不及也然余不能久留京故假官署
貫民室而已

弘治以前士攻舉業仕則精法律勤職事鮮有博覽
能文者間有之衆皆慕說必得美除自孝皇在
位朝政有常優禮文臣士奮然興高者模唐詩襲
韓文閣老洛陽劉公慝之教人看經窮理弘治末
頗知習左氏史記矣今日士著書則自謂周漢稿
詞則自任風雅然皆六朝餘習講學戒於相襲各

擇一義爲門戶敷演令不可破甚者崇好佛經老子曰精於六經大抵釣名以致利而已其行猶夫人其心之詐則莫測也

